

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članovima 33. i 45. Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona”, broj: 24/19 i 7/20), na prijedlog Ministarstva zdravstva, Vlada Zeničko-dobojskog kantona, na 61. sjednici, održanoj dana 18.06.2020. godine, d o n o s i

ZAKLJUČAK

o usvajanju Programa utroška sredstava planiranih u Budžetu Zeničko-dobojskog kantona za 2020. godinu, na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 „Transferi drugim nivoima vlasti“, subanalitika LAX001 „Tekući transfer za nabavku vakcina“, subanalitika LAX008 „Tekući transfer za JU Institut za zdravlje i sigurnost hrane Zenica“ i subanalitika LAX012 „Tekući transfer za JU Institut za zdravlje i sigurnost hrane Zenica za istraživanje u oblasti deratizacije“

I.

Usvaja se Program utroška sredstava planiranih u Budžetu Zeničko-dobojskog kantona za 2020. godinu („Službene novine Zeničko-dobojskog kantona”, broj: 24/19 i 7/20), na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 „Transferi drugim nivoima vlasti“, subanalitika LAX001 „Tekući transfer za nabavku vakcina“, subanalitika LAX008 „Tekući transfer za JU Institut za zdravlje i sigurnost hrane Zenica“ i subanalitika LAX012 „Tekući transfer za JU Institut za zdravlje i sigurnost hrane Zenica za istraživanje u oblasti deratizacije“ u iznosu od 308.900,00 KM (slovima: tristotineosamhiljadai devetstotina konvertibilnih maraka), koji čini sastavni dio ovog zaključka.

II.

Sredstva planirana programom iz tačke I. ovog zaključka realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Za realizaciju ovog zaključka zadužuju se Ministarstvo zdravstva i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

**PREMIJER
po ovlaštenju**

Mirnes Bašić

Broj: 02-_____/20
Datum, 18.06.2020. godine
Z e n i c a

DOSTAVLJENO:

1x Ministarstvo zdravstva,
1x Ministarstvo finansija,

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

Program utroška sredstava planiranih u Budžetu Zeničko-dobojskog kantona za 2020. godinu, na razdjelu 21 - Ministarstvo zdravstva, budžetska organizacija 01, potrošačka jdinica 0001, ekonomski kod 614100 „Transferi drugim nivoima vlasti“, subanalitika LAX001 „Tekući transfer za nabavku vakcina“, subanalitika LAX008 „Tekući transfer za JU Institut za zdravlje i sigurnost hrane Zenica“ i subanalitika LAX012 „Tekući transfer za JU Institut za zdravlje i sigurnost hrane Zenica za istraživanje u oblasti deratizacije“

Zenica, juni 2020. godine

I UVOD

U skladu sa članom 33. stav (1) Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), sredstva utvrđena u razdjelu 21, budžetska organizacija 01, potrošačka jedinica 0001 Budžeta - Ministarstvo zdravstva - pozicija „Tekući transferi drugim nivoima vlasti“ i „Tekući transferi neprofitnim organizacijama“, koristit će se prema programima utroška, koje donosi Vlada Kantona.

U skladu sa članom 45. stav (1) Zakona o izvršavanju Budžeta Zeničko-dobojskog kantona za 2020. godinu, Ministarstvo zdravstva predlaže Vladi Zeničko-dobojskog kantona program utroška sredstava iz člana 33. navedenog Zakona, a stavom (3) istog člana Zakona propisani su bitni elementi programa: naziv programa, svrha programa, visina sredstava, izvori iz kojih će se finansirati, kriterij i naziv pravnog ili fizičkog lica koje prima transfer.

1. Naziv Programa

Sredstva tekućih transfera za zdravstvo koristit će se po programu pod nazivom:

Program utroška sredstava planiranih u Budžetu Zeničko-dobojskog kantona za 2020. godinu na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 614100- „Tekući transferi drugim nivoima vlasti“, subanalitika LAX001- „Tekući transfer za nabavku vakcina“, subanalitika LAX008- „Tekući transfer za JU Institut za zdravlje i sigurnost hrane Zenica“ i subanalitika LAX012 „Tekući transfer za JU Institut za zdravlje i sigurnost hrane Zenica za istraživanje u oblasti deratizacije“ (u daljem tekstu: Program).

2. Ciljevi Programa

Cilj donošenja Programa je transparentno trošenje budžetskih sredstava čija je namjena djelimično finansiranje javno-zdravstvene djelatnosti i obezbjeđenje određenih količina vakcina u preveniranju bolesti bjesnila i gripe, a u uslovima proglašene pandemije na COVID-19, obezbjeđenje dodatnih sredstava za sprečavanje širenja virusa COVID-19.

3. Izvori sredstava

U Budžetu Zeničko-dobojskog kantona za 2020. godinu na razdjelu 21, budžetska organizacija 01, potrošačka jedinica 0001 - Ministarstvo zdravstva, na ekonomskom kodu 614100 „Tekući transferi drugim nivoima vlasti“ planirana su sredstva u iznosu 308.900,00 KM, koja se odnose na sljedeće tekuće transfere za koje se donosi Program:

| Ekonomski kod | Subanalitika | Tekući transferi | Budžet 2020. godine | Izmjene i dopune Budžeta za 2020. godinu |
|-------------------------|--------------|--|---------------------|--|
| 1 | 2 | 3 | 4 | 5 |
| 614100 | LAX 001 | Tekući transfer za nabavku vakcina | 90.000,00 | 90.000,00 |
| 614100 | LAX 008 | Tekući transfer za Institut za zdravlje i sigurnost hrane Zenica | 88.900,00 | 188.900,00 |
| 614100 | LAX012 | Tekući transfer za Institut za zdravlje i sigurnost hrane Zenica za istraživanje | 30.000,00 | 30.000,00 |
| Ukupno tekući transferi | | | 208.900,00 | 308.900,00 |

Navedeni transferi realizovat će se donošenjem Programa i odluka Vlade Zeničko-dobojskog kantona o odobravanju sredstava, a prema operativnim planovima potrošnje usklađenim sa procentom

ostvarenja javnih prihoda, osim u slučajevima odobrenim posebnom odlukom Vlade Kantona.

4. Korisnici Programa

Krajnji korisnik Programa je JU Institut za zdravlje i sigurnost hrane Zenica.

II PROGRAMI

1. Tekući transfer za nabavku vakcina (ekonomski kod 614100, subanalitika LAX 0001 – planirana sredstva u iznosu 90.000,00 KM)

Članom 13. tačka 9) i 10) Zakona o zdravstvenoj zaštiti (“Službene novine Federacije Bosne i Hercegovine”, broj: 46/10 i 75/13) propisano je da društvena brigada za zdravlje na nivou Kantona obuhvata mjere za osiguranje i provođenje zdravstvene zaštite od interesa za građane na području kantona i to: provođenje epidemiološke, zdravstveno- statističke, socijalno- medicinske i zdravstveno-ekološke djelatnosti, te unapređenje zdravlja i prevencija bolesti na području kantona i provođenje mjera zaštite stanovništva od zaraznih bolesti iz svoje nadležnosti u skladu sa propisima o zaštiti stanovništva od zaraznih bolesti.

Institut za zdravlje i sigurnost hrane Zenica, u skladu sa članom 119. stav 2. alineja 9. navedenog Zakona, kontinuirano provodi mjere higijensko-epidemiološke zaštite i nadzora sa epidemiološkom analizom stanja na području Kantona i provodi protivepidemijske mjere, te nadzire provođenje obaveznih imunizacija.

1.1. Antirabična zaštita

Na području Kantona evidentan je problem pasa lotalica, koji su najčešći prenosnici virusa bjesnila. Nabavka vakcina protiv bjesnila je opravdana, čime se postiže visok stepen sigurnosti građana u slučaju eventualne pojave bjesnila kod životinja koje borave u blizini ljudi.

Planirana sredstva u Budžetu Zeničko-dobojskog kantona za 2020. godinu za antirabičnu zaštitu (nabavka vakcina verorab i imunoglobulina) iznose 11.232,00 KM. Jedina ovlaštena i osposobljena ustanova za procjenu potrebe i apliciranje antirabične zaštite na području Zeničko-dobojskog kantona je Institut za zdravlje i sigurnost hrane Zenica. Navedena nabavka je planirana u junu 2020. godine.

1.2. Vakcine protiv sezonske gripe

Sezonska gripa predstavlja poseban zdravstveni rizik za bolesnike sa više hroničnih oboljenja i oslabljenim imunitetom, te postoji potreba da se izdvoje sredstva za nabavku vakcina protiv sezonske gripe za oko 4500 najugroženijih stanovnika na području Kantona.

Planirana sredstva u Budžetu Kantona za 2020. godinu za nabavku vakcina protiv sezonske gripe iznose 78.768,00 KM. Institut za zdravlje i sigurnost hrane Zenica vrši nabavku vakcina i distribuciju domovima zdravlja za dalju podjelu. Navedena nabavka se planira u julu 2020. godine.

Planirana sredstva u Budžetu Kantona za 2020. godinu, za prethodno navedene aktivnosti iznose 90.000,00 KM, a realizacija će se vršiti u skladu sa procentom ostvarenja prihoda i operativnim planovima potrošnje budžetskog korisnika.

Kriteriji za raspodjelu sredstava

Zahtjev Instituta za zdravlje i sigurnost hrane u skladu sa epidemiološkom situacijom o vrsti-soju

vakcine i potrebnim količinama i Odluka Vlade Kantona o odobrenju sredstava.

Vakcine nabavlja Institut za zdravlje i sigurnost hrane Zenica, sukladno Zakonu o javnim nabavkama. Po okončanju procedure javne nabavke, Ministarstvo zdravstva transferiše sredstva Institutu za zdravlje i sigurnost hrane Zenica.

2. Tekući transfer za JU Institut za zdravlje i sigurnost hrane Zenica (ekonomski kod 614100, subanalitika LAX 008 – planirana sredstva u iznosu 188.900,00 KM)

2.1. Programi javno-zdravstvene djelatnosti

Budžetom Zeničko-dobojskog kantona za 2020. godinu planirana su sredstva u iznosu od 88.900,00 KM za programe javno-zdravstvene djelatnosti koje provodi Institut za zdravlje i sigurnost hrane Zenica.

Članom 13. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) propisane su obaveze Kantona po pitanju zdravstvene zaštite. Većina mjera se direktno odnosi na javno-zdravstvenu djelatnost (tačke 3, 4, 8, 9 i 10):

- praćenje zdravstvenog stanja stanovništva i rada zdravstvenih ustanova na području kantona, kao i staranje o provođenju utvrđenih prioriteta u zdravstvenoj zaštiti;
- donošenje strateškog plana zdravstvene zaštite za područje kantona;
- planiranje i ostvarivanje kantonalnog programa za očuvanje i zaštitu zdravlja od zagađene životne okoline što je prouzrokovano štetnim i opasnim materijama u vazduhu, vodi i zemljištu, odlaganjem otpadnih materija, opasnih hemikalija, izvorima jonizujućih i nejonizujućih zračenja, bukom i vibracijama na svojoj teritoriji, kao i vršenjem sistematskih ispitivanja životnih namirnica, predmeta opšte upotrebe, mineralnih voda za piće, vode za piće i drugih voda koje služe za proizvodnju i preradu životnih namirnica i sanitarno-higijenske i rekreativne potrebe, radi utvrđivanja njihove zdravstvene i higijenske ispravnosti i propisanog kvaliteta od interesa za kanton, u skladu sa programom mjera koji donosi vlada kantona, na prijedlog kantonalnog ministra i kantonalnog ministra nadležnog za zaštitu okoline;
- provođenje epidemiološke, zdravstveno-statističke, socijalno-medicinske i zdravstveno-ekološke djelatnosti, te unapređenje zdravlja i prevenciju bolesti na području kantona;
- provođenje mjera zaštite stanovništva od zaraznih bolesti iz svoje nadležnosti u skladu sa propisima o zaštiti stanovništva od zaraznih bolesti.

Aktivnosti iz tačke 2. 5. i 6. navedenog člana Zakona posredno se odnose na javno zdravstvo, jer je Institut za zdravlje i sigurnost hrane Zenica do sada bio vrlo važan učesnik izrade dokumenata iz ove oblasti kao i njihove implementacije:

- uređenje i vođenje zdravstvene politike i provođenje reforme iz oblasti zdravstva od interesa za područje kantona;
- stvaranje uslova za pristupačnost i ujednačenost korišćenja primarne i sekundarne zdravstvene zaštite na području kantona i
- uspostava sistema poboljšanja kvaliteta i bezbjednosti zdravstvene zaštite.

Programi javno-zdravstvenih aktivnosti koje realizuje Institut za zdravlje i sigurnost hrane Zenica su od izuzetnog značaja i predstvaljaju djelatnost koja je zakonska obaveza. Najveći dio ovih aktivnosti Institut mora provoditi bez obzira na dodijeljena sredstva iz Budžeta.

Radi se o aktivnostima koje donosiocima odluka daju osnovu za ispravno odlučivanje, te aktivnostima koje doprinose unapređenju zdravlja stanovništva i funkcionisanja zdravstvenog sistema.

U sljedećoj tabeli dati su programi javno-zdravstvene djelatnosti i potrebna sredstva za realizaciju istih:

| NAZIV PROGRAMA | Potreban iznos u KM |
|--|---------------------|
| Praćenje i analiza zdravstvenog stanja stanovništva i funkcionisanja zdravstva | 20.009,00 |
| Prikupljanje i obrada zdravstveno-statističkih podataka i statistička istraživanja u zdravstvu | 53.542,00 |
| Antirabična zaštita | 10.340,00 |
| Nadzor nad akutnom flakcidnom paralizom | 1.794,00 |
| Nadzor nad HIV/AIDS | 2.028,00 |
| Nadzor nad zaraznim bolestima i protivepidemijski rad | 27.023,00 |
| Ukupno | 114.736,00 |

Ukupni troškovi za realizaciju prethodno navedenih programa iznose 114.736,00 KM, od čega će se iz **Budžeta Zeničko-dobojskog kantona finansirati 88.900,00 KM**. Nedostajuća sredstva za finansiranje navedenih programa bit će obezbjeđena iz sredstava Instituta za zdravlje i sigurnost hrane Zenica, obzirom da se radi o aktivnostima koje su zakonska obaveza.

Kriteriji za raspodjelu sredstava

Program, mjesečni iznosi za finansiranje utvrđeni Budžetom Zeničko-dobojskog kantona za 2020. godinu, usklađeni sa procentom ostvarenja prihoda i operativni planovi potrošnje budžetskog korisnika. U tekućem mjesecu, nakon usvajanja Programa, mjesečni iznosi za finansiranje Instituta za zdravlje i sigurnost hrane Zenica, koji se odnose na period do usvajanja Programa bit će obračunati u tom mjesecu, a za naredni period će se obračunavati do petog u tekućem mjesecu za prethodni mjesec.

Izvještaj o utrošku sredstava podnosi se Ministarstvu zdravstva šestomjesečno, odnosno po godišnjem obračunu.

2.2. Nabavka zaštitne opreme i dezinfekcionih sredstava za potrebe zdravstvenih ustnova u cilju sprečavanja širenja novog corona virusa i provođenje protuepidemijske dezinfekcije (planirana sredstva u iznosu 100.000,00 KM)

Izmjenama i dopunama Budžeta za 2020. godinu tekući transfer za Institut za zdravlje i sigurnost hrane Zenica je uvećan za 100.000,00 KM i to za iznos potrebnih sredstava za nabavku dodatne zaštitne opreme i dezinfekcionih sredstava za potrebe zdravstvenih ustnova za praćenje i sprečavanje širenja novog corona virusa, za što je Vlada Zeničko-dobojskog kantona donijela Odluku o odobravanju sredstava broj: 02-11-4340/20 od 17.03.2020. godine.

Vlada Zeničko-dobojskog kantona je Zaključkom broj: 02-11-6663/20 od 13.05.2020. godine usvojila Izvještaj o utrošku sredstava po Odluci Vlade Kantona broj: 02-11-4340/20 od 17.03.2020. godine, te neutrošena budžetska sredstva u iznosu od 50.000,00 KM opredijelila za djelimično obezbjeđenje sredstava za provođenje protivempidemijske dezinfekcije.

Zaključkom Vlade Zeničko-dobojskog kantona broj: 02-33-6680/20 od 13.05.2020. godine zadužen je Institut za zdravlje i sigurnost hrane Zenica da provede protivepidemijsku dezinfekciju na području Zeničko-dobojskog kantona u periodu maj-august 2020. godine, a potrebna sredstva za provođenje će se pored gore navedenih sredstava obezbjeđiti unutarnjom preraspodjelom sredstava u okviru budžetskog korisnika Ministastvo zdravstva.

3. Tekući transfer za JU Institut za zdravlje i sigurnost hrane Zenica za istraživanje u

oblasti deratizacije (ekonomski kod 614100 – planirana sredstva u iznosu 30.000,00 KM)

Naredbom Federalnog ministarstva zdravstva broj: 01-33-547/20 od 03.02.2020. godine, a u skladu sa Zaključkom Vlade Federacije Bosne i Hercegovine V. Broj: 164/2020 od 31.01.2020. godine, kojim se novi corona virus smatra zaraznom bolesti, naloženo je kantonalnim ministarstvima zdravstva imenovanje kriznih štabova za praćenje novog corona virusa.

Vlada Federacije Bosne i Hercegovine je donijela Odluku o proglašenju stanja nesreće uzrokovano pojavom novog corona virusa (COVID-19) na području Federacije Bosne i Hercegovine, V. Broj: 408/2020 od 16.03.2020. godine. U navedenim okolnostima Institut za zdravlje i sigurnost hrane Zenica u 2020. godini nije provodio istraživanje u oblasti deratizacije.

Krizni štab Ministarstva zdravstva za praćenje novog corona virusa donio je Odluku broj: 11-33-1335-75/20 od 11.05.2020. godine kojom se preporučuje provođenje protuepidemijskih mjera dezinfekcije na sveobuhvatan i kontinuiran način na teritoriji cijelog kantona u objektima na način koji predloži nadležna higijensko-epidemiološka služba Instituta za zdravlje i sigurnost hrane Zenica, a u cilju držanja epidemije pod kontrolom, kao i otklanjanja pritiska na zdravstveni sistem.

Prema procjenama epidemiologa i Svjetske zdravstvene organizacije ukupan broj oboljelih od COVID-19 je veći od zvaničnog broja potvrđenih slučajeva zaraze (pa čak i do 10 puta), zbog čega se ne može utvrditi tačno mjesto boravka zaraženih lica, te su oni potencijalno na svim mjestima gdje borave ljudi. Iz navedenih razloga sredstva planirana za istraživanje u oblasti deratizacije se preusmjeravaju za obavljanje protivepidemijske dezinfekcije na području Zeničko-dobojskog kantona.

**PREMIJER
po ovlaštenju**

Mirnes Bašić

Broj: 02-_____ /20
Datum, 18.06.2020. godine
Z e n i c a

DOSTAVLJENO:

1x Ministarstvo zdravstva,
1x Ministarstvo finansija,
1x a/a.